

ПОСТАНОВЛЕНИЕ
КАБИНЕТА МИНИСТРОВ РЕСПУБЛИКИ УЗБЕКИСТАН
О МЕРАХ ПО СОВЕРШЕНСТВОВАНИЮ СИСТЕМЫ СТРАХОВАНИЯ
БУДУЩЕГО УРОЖАЯ ХЛОПКА-СЫРЦА И ЗЕРНОВЫХ КОЛОСОВЫХ
КУЛЬТУР

г. Ташкент,

17 июня 2019 г.,

№ 505

**ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНинг
ҚАРОРИ
ПАХТА ХОМ АШЁСИ ВА БОШОҚЛИ ДОН ЭКИНЛАРИНИНГ
БЎЛҒУСИ ҲОСИЛИНИ СУҒУРТАЛАШ ТИЗИМИНИ
ТАКОМИЛЛАШТИРИШ ТЎҒРИСИДА**

Ўзбекистон Республикаси Вазирлар Маҳкамасининг «Кишлоқ
хўжалигида бозор механизмларини кенг жорий этиш чора-тадбирлари
тўғрисида» 2018 йил 28 февралдаги 149-сон ҳамда «Бошоқли дон
етиштириши янада рағбатлантиришга доир қўшимча чора-тадбирлар
тўғрисида» 2018 йил 27 ноябрдаги 959-сон қарорлари ижросини таъминлаш,
шунингдек, пахта хом ашёси ва бошоқли дон экинлари етиштирувчи
тадбиркорлик субъектларини турли табиий оғатлар натижасида кўриладиган
заарлардан суғурталаш орқали ҳимоялаш тизимини амалиётга кенг жорий
қилиш мақсадида Вазирлар Маҳкамаси қарор қилади:

1. Пахта хом ашёси ва бошоқли дон экинларининг бўлғуси ҳосилини суғурталаш тартиби тўғрисидаги низомиловага мувофиқ тасдиқлансин.

2. «Ўзагросуғурта» АЖ томонидан пахта хом ашёси ва бошоқли дон
экинлари етиштирувчи тадбиркорлик субъектларига пахта хом ашёси ва
бошоқли дон экинлари етиштириш учун бериладиган имтиёзли кредитларнинг
4 фоизи микдорида суғурта харажатларига ажратиш бўйича ҳар йили:

бошоқли дон экинлари ҳосили учун — 1 февралгача;

пахта ҳосили учун — 1 июнгача бўлган муддатларда суғурта
шартномаларини расмийлаштириш тартиби белгиланганлиги маълумот учун
қабул қилинсин.

3. Ўзбекистон Республикаси Молия вазирлигига пахта хом ашёси ва
бошоқли дон экинларининг бўлғуси ҳосили суғуртасининг заарлилик
даражасидан келиб чиқсан ҳолда, мазкур қарорнинг 2-бандида назарда

тутилган сұғурта харажатлари миқдорига ўзгартериш киритиб бориш хукуқи берилсін.

4. Белгилансинки:

пахта хом ашёси ва бошоқли дон экинларининг бўлғуси ҳосилини сұғурталаш бўйича расмийлаштирилган сұғурта шартномаларига асосан тўланиши лозим бўлган сұғурта товоңлари, пахта хом ашёси ва бошоқли дон экинлари етиштирувчи хўжалик субъектларидан тушган жами сұғурта мукофотларининг 80 фоизгача бўлган қисми «Ўзагросұғурта» АЖ томонидан қопланади;

сұғурта товоңларининг қолган қисми Ўзбекистон Республикаси Молия вазирлиги томонидан «Ўзагросұғурта» АЖга ажратиладиган бюджет субсидияси орқали қопланади.

5. Қорақалпоғистон Республикаси Вазирлар Кенгаши, вилоятлар ҳокимларлари Ўзбекистон фермер, деҳқон хўжаликлари ва томорқа ер эгалари Кенгаши билан биргаликда Ўзбекистон Республикаси Молия вазирлиги ҳузуридаги Қишлоқ хўжалигини давлат томонидан қўллаб-қувватлаш жамғармаси томонидан пахта хом ашёси ва бошоқли дон экинлари етиштиришни молиялаштириш учун ажратиладиган имтиёзли кредитлар ҳажмини тасдиқлашда кредитлашнинг дастлабки икки ойида сұғурта қилиш харажатлари учун етарли миқдорда маблағлар ажратилишини таъминласин.

6. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари — молия вазири Ж.А. Қўчқоров зиммасига юклансин.

Ўзбекистон Республикасининг Бош вазири А. АРИПОВ

Тошкент ш.,
2019 йил 17 июнь,
505-сон

Вазирлар Маҳкамасининг 2019 йил 17 июндаги 505-сон карорига
ИЛОВА

**Пахта хом ашёси ва бошоқли дон экинларининг бўлғуси ҳосилини
сұғурталаш тартиби тўғрисида**

НИЗОМ

1-боб. Умумий қоидалар

1. Мазкур Низом пахта хом ашёси ва бошоқли дон экинларининг бўлғуси ҳосилини сұғурталаш тартибини белгилайди.

2. Ушбу Низом пахта хом ашёси ва бошоқли дон экинларини етиштирувчи барча тадбиркорлик субъектларига, жумладан, пахта-тўқимачилик ишлаб чиқарувчилар ва кластерларга нисбатан татбиқ этилади.

3. Ушбу Низомда қуидаги асосий тушунчалардан фойдаланилади:

ариза — сұғурта қилдирувчининг сұғурта шартномасини тузиш истаги билдирилган ёзма мурожаати;

ишчи гурухлар — Вазирлар Маҳкамасининг 2018 йил 28 февралдаги 149-сон [қарори](#) билан тасдиқланган Пахта хом ашёси ва бошоқли дон етиштириш бўйича харажатларни кредитлаш ва топширилган маҳсулот учун якуний ҳисоб-китобларни амалга ошириш тартиби тўғрисидаги низом асосида туман ҳокимининг ўринбосари раҳбарлигига ташкил этиладиган ишчи гурух;

мониторинг — пахта хом ашёси ва бошоқли дон экинларини етиштириш учун ер майдонларининг экишга тайёргарлиги, экинлар экилиши, ривожланиши ва ҳосил йиғиб олиниши даврида олиб бориладиган кузатиш жараёни;

мониторинг далолатномаси — ишчи гурухлар томонидан тузиладиган даврий ёзма ҳужжат;

сұғурталовчи — тегишли турдаги сұғуртани амалга ошириш учун лицензияга эга бўлган ва сұғурта шартномасига мувофиқ сұғурта товони (сұғурта пули) тўловини амалга ошириш мажбуриятини олувчи тижорат ташкилоти бўлган юридик шахс;

сұғурта даври — сұғурталовчи сұғурта шартномаси амалда бўлган даврда содир бўлган сұғурта ҳодисалари бўйича мажбуриятларни ўз зиммасига оладиган давр;

сұғурта мукофоти — сұғурта қилдирувчи сұғурта шартномасида белгиланган тартибда ва муддатларда сұғурталовчига тўлаши шарт бўлган сұғурта ҳақи;

сұғурта полиси — сұғурта шартномаси тузилганлигини тасдиқловчи ва сұғурта қилдирувчига сұғурта мукофотини ёки унинг биринчи қисмини тўлагандан кейин бериладиган ҳужжат;

сұғурта суммаси — сұғурта қилдирувчи ва сұғурталовчининг келишувига мувофиқ белгиланадиган пул маблағлари миқдори бўлиб, сұғурталовчи сұғурта шартномаси бўйича сұғурта товонини ундан ошмаган миқдорда тўлаш мажбуриятини олади;

сұғурта таваккалчиликлари — бўрон, дўл, кучли ёмғир (жала), қурғоқчилик ва гармсел, тупроқнинг ўта намлиги, кучли қор ёғиши, қорасовуқ, сув сатхининг паст бўлиши, сув сатхининг баланд бўлиши (сув тошқини), яшин уриши, ёнғин, зааркундалар, пахта хом ашёси ва бошоқли дон экинлари касалликлари;

сұғурта товони — сұғурталовчи сұғурта шартномасида келишилган сұғурта ҳодисаси содир бўлганда сұғурта қилдирувчи кўрган заарларини сұғурта суммасидан ошмаган миқдорда тўлайдиган пул маблағлари миқдори;

суғурта шартномаси — ёзма келишув бўлиб, унга кўра суғурталовчи келишувда шартлашилган ҳақ (суғурта мукофоти) эвазига келишувда назарда тутилган воқеа (суғурта ҳодисаси) содир бўлганда суғурта қилдирувчига суғурта товонини тўлаш мажбуриятини олади;

суғурта қиймати — суғурта қилдирувчининг бутун пахта хом ашёси ва бошоқли дон экинлари майдонидан оладиган ҳосил қиймати;

суғурта қилдирувчи — суғурталовчи билан тузилган суғурта шартномасига мувофиқ ушбу шартномада келишилган суғурта мукофотини (суғурта тўловини) тўловчи ва суғурталовчи билан аниқ суғурта муносабатларига кирувчи ҳар қандай ташкилий-хуқуқий шаклдаги тадбиркорлик субъекти;

суғурта ҳодисаси — суғурта шартномасида кўрсатилган ва у содир бўлиши билан суғурталовчининг суғурта қилдирувчига суғурта товони (суғурта пули) тўловини амалга ошириш мажбурияти келиб чиқадиган юз берган воқеа;

экин — пахта хом ашёси ва бошоқли дон экинлари.

4. Суғурта шартномасида белгиланган суғурта таваккалчиликлари оқибатида экин ҳосилдорлигининг камайиши ёки нобуд бўлиши натижасида суғурта қилдирувчининг зарап кўриши билан боғлиқ мулкий манфаатлари суғурта обьекти ҳисобланади.

2-боб. Суғурта шартномасини тузиш тартиби

5. Пахта хом ашёси ва бошоқли дон экинларининг бўлғуси ҳосилини суғурталаш ва суғурта ҳодисаси юз берганда уларга суғурта товонларини тўлаш ушбу Низомга [1-иловада](#) келтирилган схемага мувофиқ амалга оширилади.

6. Ҳар йили туман ҳокимликлари, туман фермер, дехқон хўжаликлари ва томорқа ер эгалари кенгашлари ҳамда суғурталовчи томонидан пахта хом ашёси ва бошоқли дон экинларини етиштиришни молиялаштириш учун ажратиладиган имтиёзли кредитлар ҳажмини тасдиқлашда ушбу экинларни етиштириш учун режалаштирилган экин майдони, ҳосилдорлик, кафолатланган харид нархлари асосида ҳисобланган ялпи ҳосил қийматидан келиб чиқиб, жами экинлар ҳосилини суғурталаш учун зарур бўлган суғурта мукофотлари ҳажми белгиланади.

7. Пахта хом ашёси ва бошоқли дон экинлари етиштирувчи тадбиркорлик субъектлари экин майдони, ҳосилдорлик режаси тўғрисида маълумотларни илова қилган ҳолда бўлғуси экиндан кам ҳосил олиши натижасида кўрадиган молиявий зарарини суғурталаш тўғрисида суғурталовчининг ҳудудий бўлинмаларига ариза беради.

8. Суғурталовчи суғурта қилдирувчи томонидан тақдим этилган ариза ва маълумотлар асосида суғурта қиймати, суғурта пули ва суғурта мукофоти миқдорини ҳисоблади.

Ушбу маълумотлар асосида суғурталовчи ва суғурта қилдирувчи ўртасида икки нусхада суғурта шартномаси тузилади.

9. Тижорат банки томонидан пахта хом ашёси ва бошоқли дон экинлари етиштирувчи тадбиркорлик субъектига пахта хом ашёси ва бошоқли дон етиштиришни молиялаштириш учун имтиёзли кредит ажратишда унинг бўлғуси ҳосилни суғурталаш бўйича суғурта шартномаси мавжудлиги талаб қилинади ва ушбу шартнома бўйича расмийлаштирилган полис имтиёзли кредитнинг таъминоти сифатида қабул қилинади.

Бунда имтиёзли кредит маблағлари ҳисобидан, биринчи навбатда, пахта хом ашёси ва бошоқли дон экинларининг бўлғуси ҳосилини суғурталаш учун суғурта мукофоти тўлангандан сўнг имтиёзли кредит маблағлари ҳисобидан ҳосил етиштириш билан боғлиқ бошқа харажатлар бўйича тўловларни амалга оширишга рухсат этилади.

10. Суғурта шартномаси тузилгандан сўнг 30 иш куни ичидаги суғурта қилдирувчи томонидан суғурталовчининг ҳисобрақамига суғурта мукофотлари (суғурта қилдирувчининг ўз маблағи, тижорат банкларининг кредитлари ва қонунчиликда тақиқланмаган бошқа манбалар ҳисобидан) ўтказиб берилади. Суғурталовчининг мажбуриятлари суғурта мукофоти тўлангандан сўнг кучга киради. Шартномада кўрсатилган муддатда суғурта мукофоти тўланмаса, суғурталовчининг мажбуриятлари кучга кирмайди.

11. Суғурталовчи суғурта мукофотларини тўлиқ тўлагандан сўнг суғурта қилдирувчига 3 иш куни ичидаги суғурта полисини расмийлаштириб беради. Суғурта қилдирувчи томонидан суғурта мукофоти қисман тўланган тақдирда, суғурта полиси тўланган суғурта мукофотига мутаносиб равища расмийлаштирилиб берилади.

12. Экинлар экилганидан сўнг 30 кун ичидаги суғурталовчи ва тижорат банки (суғурта қилдирувчи имтиёзли кредит олган ҳолда) томонидан жойига чиқсан ҳолда экин майдонлари мониторинги ўтказилади.

13. Мониторинг натижасида экин майдонларида экинлар экилмаганлиги ёки бошқа қишлоқ хўжалиги маҳсулотлари экилганлиги аниқланган тақдирда, мониторинг далолатномаси тузилади ва суғурта шартномаси муддатидан олдин бекор қилинади. Бунда экинлар қисман экилган тақдирда, суғурта жавобгарлиги ҳақиқатда экилган майдонга нисбатан олиб борилади.

Мониторинг натижасида экинлар суғурта шартномасида белгиланган суғурта таваккалчиликлари натижасида униб чиқмаганлиги аниқланган

тақдирда суғурта жавобгарлиги ушбу экин майдони учун экиш харажатларига ажратилган маблағлардан ошмаган миқдорда олиб борилади.

3-боб. Экинлар ҳолатининг мониторингини ўтказиш

14. Ишчи гурух томонидан мониторинг пахта хом ашёси ва бошоқли дон экинлари етишириувчи ҳар бир тадбиркорлик субъекти бўйича экинларнинг ҳолатини ҳамда тижорат банклари томонидан берилган имтиёзли кредитларнинг қайтарилишини таъминлаш учун бўлгуси ҳосилнинг етарлилигини аниқлаш мақсадида доимий равища ўтказилади.

15. Ишчи гурух суғурта шартномасини тузиш даврида пахта хом ашёси ва бошоқли дон экинлари етишириувчи тадбиркорлик субъектларига тижорат банклари томонидан берилган имтиёзли кредитларнинг мақсадли ишлатилишини ҳамда экинларнинг бутун ривожланиш даврида мониторинг ўтказиш муддатларини келишиб олади ва мониторинг жадвалини тасдиқлайди.

16. Ишчи гурух ҳақиқатда сарфланган харажатлар ўрганиб чиқилганидан сўнг пахта хом ашёси ва бошоқли дон экинлари етишириувчи тадбиркорлик субъектларининг экин ер майдони (даласи)га чиқиб, агротехник ишлар ҳақиқатда бажарилганлиги бўйича мониторинг ўтказади.

17. Суғурталовчи томонидан экинлар ҳолати доимий мониторинг қилиб борилади.

4-боб. Мониторинг натижаларини расмийлаштириш

18. Ишчи гурух томонидан ўтказилган мониторинг натижаси бўйича ҳар бир тадбиркорлик субъекти учун алоҳида мониторинг далолатномаси тузилади. Мониторинг далолатномасини тузишда қўйидаги тадбирларни амалга ошириш лозим:

экин режада белгиланган майдонга тўлиқ экилганлиги (майдон бутлиги, бошқа экин экилганлиги, қисман ёки умуман экilmaganligi);

минерал ва маҳаллий ўғитлар берилганлиги ва озиқлантириш агротехникасига риоя қилинганлиги;

экин майдонларини бегона ўтлар босганлиги ва қарши курашиш чораларини кўрилганлиги;

суғориш иншоатини мавжудлиги, ариқ ва зовурлар тозаланганлиги ва ўз вақтида суғорилганлиги;

экин зааркунанда ва касалликлари тушишининг олдини олиш бўйича ишлар олиб борилгани ҳамда уларга қарши курашилганлиги;

ғўза орасига ишлов бериш ишлари ўз вақтида амалга оширилганини ўрганиш ва керакли тавсиялар бериш.

Ушбу агротехник тадбирлар мөйөр доирасида олиб борилган бўлса мониторинг далолатномасида ижобий хулоса берилади ва сұғурта жавобгарлиги давом эттирилади.

Агар ушбу агротехник тадбирлар бажарилиши етарли даражада олиб борилмаган бўлса (мониторинг далолатномаси хулоса қисмида қўрсатилади) мониторинг далолатномасида салбий хулоса берилади.

Ушбу мониторинг далолатномасига ҳар бир иштирокчи ўз имзосини ва муҳрини (мавжуд бўлганда) қўйиши талаб этилади.

19. Мониторинг ўтказувчи вакиллар, экин майдонлари ва экин ҳолатини тўлиқ акс эттириш мақсадида мониторинг далолатномасига қўшимча равишда алоҳида ўз хулосаларини ҳам ёзишлари мумкин.

20. Мониторинг далолатномасида ишчи гурӯҳ томонидан агротехник тадбирларнинг ўтказилиши бўйича қишлоқ хўжалиги экинларини етиширувчи тадбиркорлик субъектларига тавсиялар берилади. Навбатдаги мониторинг даврида олдинги мониторинг далолатномасида берилган тавсияларнинг бажарилиши ўрганилади.

5-боб. Сұғурта ҳодисаси ва сұғурта товонини тўлаш тартиби

21. Сұғурта шартномаси амал қилган даврда сұғурта ҳодисасини келтириб чиқарувчи ҳодисалар оқибатида экинлар заарланиши ёки нобуд бўлиши натижасида ҳосилни олиш имконияти камайса ёки йўқолса, сұғурта қилдирувчи сұғурталовчига 10 иш куни ичида бўлиб ўтган ҳодиса тўғрисида хабарнома беради. Шунингдек, мониторинг ўтказган сұғурталовчининг масъул мутахассислари ҳам ушбу ҳодисалар тўғрисида сұғурта қилдирувчига маълумот беришлари лозим.

22. Хабарномага асосан сұғурталовчи ва ишчи гурухлар томонидан экинга етказилган зарап 10 кун ичида жойида ўрганиб чиқилади ва далолатнома тузилади.

23. Сұғурта қилдирувчи йиғишириб олган ҳосилдорлик қиймати сұғуртага қабул қилинган ҳосилдорлик қийматидан кам бўлганда, қуйидаги хужжатларни сұғурталовчига тақдим этади:

сұғурта полисининг нусхаси;

бўлиб ўтган ҳодисалар натижасида экин заарланганлиги ёки нобуд бўлганлигини туман ҳокимлиги ишчи гурухи томонидан тасдиқлаб тузилган далолатнома (агар мавжуд бўлса);

ҳодиса (ҳодиса тавсифи ва етказилган зарап сабабларига кўра) ушбу Низомнинг [24-бандида](#) қўрсатилган ташкилотлар томонидан тасдиқланган маълумотнома.

24. Ҳодиса тавсифи ва етказилган зарап сабабларига кўра ҳодисани тасдиқловчи маълумотнома қуйидагилар ҳисобланади:

агар заарар бўрон, дўл, кучли ёмғир (жала), қурғоқчилик ва гармсел, тупроқнинг ўта намлиги, кучли қор ёғиши, қорасовуқ, сув сатҳининг паст бўлиши, сув сатҳининг баланд бўлиши (сув тошқини) яшин уриши натижасида рўй берса — гидрометеорология хизмати марказининг (худудий бўлинмаси) маълумотномаси;

агар заарар ёнғин натижасида рўй берса — туман ички ишлар бўлимининг ёнғинга қарши кураш бўлими маълумотномаси;

агар заарар зааркунандалар ёки экинларга касалликлар тушиши натижасида рўй берса — экин майдонларига ҳақиқатдан ҳам зааркунандалар томонидан заарар етказилганлигини ва уларга қарши курашилганлигини тасдиқлаш бўйича ваколатли ташкилот маълумотномаси ҳамда ушбу ташкилот билан тузилган шартнома нусхаси;

агар заарар минерал ўғитларнинг ўз вақтида ва тўлиқ етказиб берилмаганлиги натижасида рўй берса — пахта хом ашёси ва бошоқли дон экинлари етишириувчи тадбиркорлик субъектига белгиланган ва ҳақиқатда олинган минерал ўғит микдори бўйича ваколатли ташкилот маълумотномаси ҳамда ушбу ташкилот билан тузилган шартнома нусхаси;

етиширилган экин тўлиқ йиғишириб олинганлигини тасдиқловчи туман қишлоқ хўжалиги бўлими маълумотномаси;

етиширилган экин тайёрлов ташкилотига топширилганлигини тасдиқловчи тайёрловчи (қабул қилувчи) ташкилот ҳамда туман статистика бўлими маълумотномалари.

Ушбу бандда кўрсатилган ҳужжатлардан бошқа қўшимча ҳужжатлар талаб қилинишига йўл қўйилмайди.

25. Суғурта қилдирувчининг суғуртага қабул қилинган бир гектар экин майдони учун ҳосилдорлик қиймати билан жорий йилда бир гектар экин майдонидан ҳақиқатда олинган ҳосилдорлик қиймати (суғурта мукофотини ҳисоблашда тасдиқланган ўртacha харид нарх асос қилиб олинади) орасидаги фарқи экиндан кўрилган заарар деб ҳисобланади.

26. Суғурта товони микдори ушбу Низомга [2-иловада](#) келтирилган жадвал асосида, суғурта қилдирувчининг жами экин майдонидан олинган ялпи ҳосили (тайёрлов корхонаси маълумотномалари асосида) ва тушган суғурта мукофоти микдори ҳисобга олинган ҳолда, суғурта пули (суғурта жавобгарлиги) доирасида ҳисобланади.

27. Суғурта қилдирувчи томонидан экинни экиш, парваришлиш ва ҳосилни йиғишириб олиш даврида агротехника талабларига риоя қилмаганлиги аниқланганда, суғурта товони қуйидаги микдорларда камайтирилади:

ўғит белгиланган меъёрдан кам берилган бўлса 5 (беш) фоиз;
бегона ўтлар босиб кетган бўлса 5 (беш) фоиз;

ўз вақтида сұғорилмаган (сув берилмаган) бўлса 5 (беш) фоиз.

Суғурта товони чамаланган (апробациядан ўтказилган) ҳосил олинмаган бўлса 5 (беш) фоиз миқдорларда камайтирилиши мумкин.

28. Суғурта қилдирувчи томонидан ушбу Низомнинг [23-бандида](#) назарда тутилган хужжатлар ҳамда ёзма ариза суғурта даври якуни бўйича суғурталовчининг тўлов комиссиясига тақдим этилади. Тақдим этилган хужжатлар суғурталовчининг тўлов комиссияси томонидан ўрганиб чиқилиб, суғурта товонини тўлаш ёки тўлашни рад этиш тўғрисида 15 кун муддатда қарор қабул қилинади.

29. Суғурталовчининг суғурта товонини тўлаш ёки тўлашни рад этиш тўғрисидаги қарори суғурта қилдирувчига у суғурта товони тўлаш тўғрисида ариза тақдим этган вақтдан бошлаб ушбу Низомнинг [28-бандида](#) кўрсатилган муддатдан кечиктирмай хабар қилиниши керак ва товон тўлаш рад этилганда, қарорда рад этишнинг асослантирилган сабаблари кўрсатилиши лозим.

30. Суғурталовчининг суғурта товонини тўлаш тўғрисидаги қарори қабул қилинганда суғурталовчи ва суғурта қилдирувчи ўртасида суғурта ҳодисаси тан олинганилиги тўғрисида далолатнома тузилади.

31. Далолатнома асосида белгиланган суғурта товони 5 иш куни ичida суғурта қилдирувчининг 23210 ҳисобрақамига ўтказиб берилади ва ўтказилган суғурта товонлари, биринчи навбатда, ажратилган имтиёзли кредит ва унга ҳисобланган фоизларни қоплашга йўналтирилади.

32. Суғурта даври якуни бўйича суғурта ҳодисаси юзасидан суғурта қилдирувчилар томонидан тақдим қилинган хужжатлар суғурталовчининг тўлов комиссияси томонидан ўрганиб чиқилиб, суғурта товонини тўлаш тўғрисида қабул қилинган қарор асосида экин ҳосили учун жами аниқланган суғуртатовонлари ҳажми йифилган суғурта мукофотларининг 80 фоизигача бўлган қисми доирасида суғурталовчи ўз маблағлари ҳисобидан қоплади.

33. Ҳисоб-китобларга асосан аниқланган суғурта товонлари ҳажми йифилган суғурта мукофотларининг 80 фоизидан ошган қисмини қоплаш учун Ўзбекистон Республикаси Молия вазирлиги томонидан суғурталовчига бюджет субсидияси ажратилади.

Бунда бюджет субсидияси суғурталовчи томонидан белгиланган тартибда аниқланган суғурта товонларининг умумий суммаси (суғурталовчининг харажатларини инобатга олган ҳолда) суғурта мукофотлари ҳисобидан тўлиқ қопланмаган холларда ажратилади.

34. Бюджет субсидияси маблағларини олиш учун суғурталовчи Ўзбекистон Республикаси Молия вазирлигига ушбу Низомга [3-иловага](#) мувофиқ жадвал асосида ҳисоб-китобларни тақдим қиласи.

35. Суғурталовчи томонидан тақдим қилинган маълумотлар Ўзбекистон Республикаси Молия вазирлиги томонидан 15 кун муддатда

ўрганиб чиқилиб, сұғурталовчига аниқланган сұғурта товоңларини тұлаш учун бюджет субсидияси маблағларини ажратиш түғрисида хulosа тайёрланади.

36. Ўзбекистон Республикаси Молия вазирлиги тайёрланган хulosа асосида 10 кун муддат ичида сұғурталовчига аниқланган сұғурта товоңларини тұлаш учун бюджет субсидиясина ажратади.

37. Ажратилған бюджет субсидияси ҳисобидан сұғурталовчи томонидан 5 кун муддат ичида сұғурта товоңи аниқланган сұғурта қылдирувчиларга тұлық тұлаб берилади ҳамда бу ҳақда сұғурталовчи томонидан Ўзбекистон Республикаси Молия вазирлигига ҳисобот тақдим этилади.

6-боб. Якунловчи қоидалар

38. Ушбу Низом бүйича зиммага олинган мажбуриятларнинг бажарилмаганлиги ёки зарур даражада бажарилмаганлиги учун томонлар қонун ҳужжатларига мувофиқ жавоб берадилар.

39. Мазкур Низомдан келиб чиқадиган барча низолар үзаро келишув йўли билан, келишувга эришилмаган тақдирда эса қонун ҳужжатларида белгиланган тартибда ҳал этилади.

Пахта хом ашёси ва бошоқли дон экинларининг бўлғуси ҳосилини

сұғурталаш тартиби түғрисидаги низомга

1-ИЛОВА

**Пахта хом ашёси ва бошоқли дон экинларининг бўлғуси ҳосилини
сұғурталаш ва сұғурта ҳодисаси юз берганда уларга сұғурта
товоңларини тұлаш**

СХЕМАСИ

Босқич	Масъуллар	Чора-тадбирлар	Муддат
1- босқич	Пахта хом ашёси ва бошоқли дон экинлари етиширувчи тадбиркорлик субъекти, сұғурта ташкилоти, тижорат банки	Сұғурталовчига сұғурта мукофотини тұлайди	Сұғурта шартномаси түзилгандан сўнг 30 иш куни ичида

2- босқич	Суғурта ташкилоти	Суғурта қилдирувчига суғурта полисини тақдим этади	Суғурта мұкофоти түлангандан сүнг 3 иш куни ичида
3- босқич	Пахта хом ашёси ва бошоқли дон экинлари етиштирувчи тадбиркорлик субъекти, суғурта ташкилоти	Суғурта ҳодисасини келтириб чиқарувчи ҳолатлар түғрисида суғурталовчига хабарнома беради	Суғурта ҳодиса аниқланган кундан сүнг 10 иш куни ичида
4- босқич	Суғурта ташкилоти, Ишчи гурухлар	Экинга етказилған зарарни жойида ўрганиб чиқади ва далолатнома тузади	Хабарнома берилған сүнг 10 кун ичида
5- босқич	Пахта хом ашёси ва бошоқли дон экинлари етиштирувчи тадбиркорлик субъекти, суғурта ташкилоти	Хосилдан күрилған зарарни қоплаш бўйича суғурталовчига ёзма ариза билан мурожаат қиласди	Суғурта даври якуни бўйича
6- босқич	Суғурта ташкилоти	Суғурта қилдирувчининг тақдим этган хужжатлари асосида тегишли қарор (суғурта товони тўлаш ёки тўлашни рад этиш) қабул қиласди	Ариза тақдим этилган кундан бошлаб 15 кун муддатда

7- босқич	Суғурта ташкилоти, пахта хом ашёси ва бошоқли дон экинлари етиштирувчи тадбиркорлик субъекти	Суғурта қилдирувчига аниқланган товонни тўлаб беради (жами тушган суғурта мукофотининг 80 фоизигача миқдорда)	5 иш куни ичида
8- босқич	Суғурта ташкилоти	Суғурталовчи томонидан аниқланган жами суғурта товонларининг 80 фоиздан ошган қисмини қоплаш мақсадида бюджет субсидияси ажратилиши учун Ўзбекистон Республикаси Молия вазирлигига тегишли ҳисоб-китобни тақдим этади	Заруратга кўра
9- босқич	Молия вазирлиги	Маълумотни ўрганиб чиқиб, суғурталовчига суғурта товонларини тўлаш учун бюджет субсидиясини ажратиш тўғрисида хулоса тайёрлайди	15 кун муддатда
10- босқич	Молия вазирлиги	Аниқланган суғурта товонларининг 80 фоиздан ошган қисмини қоплаш учун суғурталовчига бюджет субсидиясини ажратади	10 кун муддатда
11- босқич	Суғурта ташкилоти, пахта хом ашёси ва бошоқли дон экинлари етиштирувчи	Бюджет субсидияси ҳисобидан суғурта қилдирувчига суғурта товонини тўлаб беради ҳамда Ўзбекистон Республикаси Молия вазирлигига ҳисобот тақдим этади	5 кун муддатда

тадбиркорлик
субъекти

Пахта хом ашёси ва бошоқли дон экинларининг бўлғуси ҳосилини
суғурталаш тартиби тўғрисидаги низомга
2-ИЛОВА

**20 йил «_____» _____ да тузилган _____ -сон сұғурта
шартномасига асосан пахта хом ашёси (бошоқли дон экинлари) ҳосили
бўйича сұғурта товонини ҳисоблаш**

ЖАДВАЛИ

мингсўм

Эк	Суғурт ин аланган но ми	1 га майдонд аги режалаш тирилган хосилдо рлик (центнер)	1 ц хосил нинг прейск хосилни урант нархи	1 га майдонг а режалаш тирилган хосилни нг кциймати (3 уст* 4 уст)	Оли нгдан ялпи хоси л	Жам и майд онда н олин ган хоси лни (цен тнер кций мати (4 уст*) 6 уст)	1 га майд онда н олин ган хоси л мати кний мати (7 уст/ 2 уст)	1 га майд онда н олин ган хоси л зара р (5 уст- 8 уст)	Жам и экин майд онид ан кўри лган зара п (5 уст- 8 уст)	Агрот ехника талабл арига риоя қилмаг анлиги учун камайт ирилга н	Тан оли нга н суғ урт а төв они
1	2	3	4	5	6	7	8	9	10	11	12

Пахта хом ашёси ва бошоқли дон экинларининг бўлғуси ҳосилини
суғурталаш тартиби тўғрисидаги низомга
3-ИЛОВА

**____ йил ҳосили учун аниқланган сұғурта товонларини тўлаш учун
Ўзбекистон Республикаси Молия вазирлиги томонидан ажратиладиган
субсидия маблағлари**

ХИСОБ-КИТОБИ

млн. сўм

Худудлар номи	Жами тушган сұғурта мүкофоти	Жами тұланадиган сұғурта төвони	Сұғурта төвонининг сұғурталовчи үз маблағлари ҳисобидан қолданған қисми	Ажратилиши лозим бўлган субсидия маблағи
A	1	2	3 (1*80%)	4 (2-3)
ЖАМИ				
Қорақалпоғистон				
Андижон				
Бухоро				
Жиззах				
Қашқадарё				
Навоий				
Наманган				
Самарқанд				
Сурхондарё				
Сирдарё				
Тошкент				
Фарғона				
Хоразм				

*(Қонун ҳужжатлари маълумотлари миллий базаси, 18.06.2019 й.,
09/19/505/3298-сон)*